

կենք մեր ճանապարհն, ամեն ուրեք մեզ պիտի պատահին աւեր զիւզեր և կամուրջներ, աւեր եկեղեցիներ ու վանքեր, աւեր զիւզաքաղաքներ ու բերդեր, արդ, տես և ուշի ուշով դիտէ այն հրապուրիչ հանգստարաններուն, որք դեռ կանգուն և անեղծ մնացած են, կարծես խոյացած են Գարա-Քիլիսի և Ալաշկերաի վերայ, ուր կատարուած անգթութիւնները կը թուեն, կը ձայնեն իւրեանց սերնդոց—արիք, շտապեցէք, մեր ծոցն հանգիստ գտէք. առ այս կարծես իւրեանց շուրջն կենդանութիւն սփռած են, ուր գոյնզգոյն զմայլեցուցիչ ծաղիկներ աճին և կանաչագոյն մարգարեաթիւններ կազմեն և հրապուրեն, որպէս զի հեռանան այն դաժանելի կեանքէն, զան հանգիստ գտնեն.

Շտապաւ պիտի անցնեմք, յարգելի ընթերցող, աւազակներու երկիւղն չթոյլ տար մի վայր կանգ առնելու, հանգստանալու. ձիով ենք, ասպանդակով շարունակ հարուած տալու հետ ենք ձիերուն, որք քրքրտանց և փրփուրներու մէջ են, այս միջոցին յետևդ և առաջդ հրացանաձգութեան արձագանքներ կորոտան, պատահեցաւ քեզ հանգստարան մի, նա հրապուրեց զքեզ, դու թոյլ պիտի տաս ամեն երկիւղ, սողաս ձիէն վայր, արագ քայլերով աչք դարձնես ամեն անկիւն, արտասուելով պիտի բարձրանաս, քշես և այսպէս շարունակ:

Ահա քեզ հանգստարաններ, որք դեռ—խոժոռ աչօք կը հայեն երկրի աւերիչ խորդ զաւակներու վերայ, դեռ պատկառանք ազգած են որոց, որք կարծես առ ամօթոյ հեռացած են մի քարի ետևն, մի ձորակի ափն, մի ժայռի կողի վերայ և կամ գտած են մութ որջեր, խորխոր քարայրներ, ուր ապաստանած են որ